

Livio Hermans na e ceremonia na ocasion di re- apertura di Biblioteca Nacional



STA. CRUZ -- Livio Hermans a toca piano durante e ceremonia na biblioteca pa e re- apertura oficial di e edificio central na George Madurostraat. Livio a interpreta e dushi himno di Aruba y e wals di Padu del Caribe, titula 'Biblioteca Nacional'. E composicion aki ta riba

un CD di Padu di aña 1994 y for di e tempo ey biblioteca ta consider'e su himno. Dr. Livio Hermans, un gran amigo di biblioteca, ta medico y apotheker, cu un pasion grandi y talento pa piano. Cu 7 aña Livio a haya su prome les di piano cerca Miss Lilian van Dijck. Despues el' a sigui cu

les cerca maestro Edgar Palm, teoria di musica y en particular ehecucion di musica antiano. Durante su estudio na Amsterdam el 'a tuma les di interpretacion di musica clasico di siglo 18 y 19. Durante añanan Livio a duna diferente presentacion riba piano, tanto como solista como acompañante na piano di p.e. 'Orfeon Crescendo' di Frank Davelaar na Corsou. Sinembargo su preferencia semper a bay pa acompaña na piano "das Lied". Na 1995 Livio a saca un CD di composicionnan di Edgar Palm q.e.p.d. como homenahe na e gran maestro aki. Como un lesador y estudiante pa bida, Livio ta un bishitante fiel di biblioteca.